

tum jus magis augebant, cum plerumque successor Antecessoris leges & constitutiones mutaret.

39. Fuerunt autem Imperatores Romani partim Gentiles, partim Christiani. Gentilium constitutiones dispersas collegerunt duobus Codicibus Hermogenes & Gregorius, quorum tamen vix minima restant frustula.

40. Christianorum Imperatorum Constitutiones ad sua tempora usque collegit Theodosius junior. Reliquorum Imperatorum ad Justinianum usque constitutiones sub titulo legum Novellarum collectæ sunt. Codicem Theodosianum eruditissimis notis & Commentario illustravit immortale Jurisprudentiæ decus Jacobus Gothofredus, simul vero plurimos nævos, quibus idem laboravit, detexit.

41. Hos inter crassissimus est, quod cum sentiret Theodosius incertitudinem juris ex autoritate responforum ortam, hanc eo remedio tollere laboraverit, ut certorum saltem Juris Consultorum scripta jufferit valere in judiciis, & in allegatione eorundem plures prævalere paucioribus, ex paribus illos, inter quos